

ZAPISNIK

sa III sjednice Privrednog savjeta općine Bosanska Krupa

Sjednica održana dana 18.07.2019.godine u zgradi općine Bosanska Krupa sa početkom u 10,00 sati

Prisutni:

Privrednici: Sead Mujagić (IBRAHIMOVIĆ d.o.o.), Azra Huzejrović (ZAH d.o.o.), Samir Mesić (INFOSYS), Dženan Džafić (KRUPA KABINE), Tahir Nuhić (ATNH d.o.o.)

JKP „10. Juli“ : Nijaz Tatarević

Općina: Esma Hergić i Azra Veladžić

Odsutni članovi: Armin Halitović-Načelnik, Mensud Šahinović, Dino Zjakić, Hikmet Todorovac, Anel Bešić, Tarik Halkić, Miodrag Adamović, Zeid Mujić,

Ostali prisutni: Čamka Bešić, Kasm Šertović i Selma Šehić

Dnevni red:

1. Usvajanje Zapisnika sa II sastanka Privrednog savjeta
2. Informacije o važećim odlukama:
-Odluka o administrativnim taksama
3. Analiza procjene privrednog sektora 2019
4. Analiza potreba privrede za radnom snagom
5. Program poticaja zapošljavanju i samozapošljavanju za 2019 (MEG)
6. Diskusija, zaključci

Predsjedavajući Privrednog savjeta gospodin Sead Mujagić otvorio je sjednicu i konstatovao, da je prisutno 8 članova i tri predstavnika općinskih službi, pozdravio prisutne, predložio dnevni red i dao na razmatranje.

Esma Hergić je predložila, prije usvajanja dnevnog reda, da se uputi dopis Općinskom načelniku u kom će se tražiti prijedlog za izmjenu imenovanih članova Privrednog savjeta koji već tri puta uzastopno nisu prisustvovali sastanku (Dino Zjakić, Mensud Šahinović), te da se uputi dopis MSŠ „Safet Krupić“ i traži prijedlog za imenovanje predstavnika škole u Privrednom savjetu obzirom da gospodin Hikmet Todorovac nije više uposlenik škole.

Gospodin Nijaz Tatarević je ponudio prisutnim ostavku na mjesto člana Privrednog savjeta jer je u funkciji direktora JKP „10 juli“ bio imenovan u isti. Obzirom da je u međuvremenu

došlo do imenovanja novog direktora preduzeća predlaže da se uputi dopis JKP „10.juli“ doo preduzeću i traži da potvrdi raniji prijedlog ili imenuje novog člana Privrednog savjeta ispred preduzeća.

Predloženi Dnevni red je usvojen sa prijedlog da se upute dopisi za dopunu članova privrednog savjeta.

Ad.1/

Esma Hergić je upoznala prisutne o aktivnostima na realizaciji usvojenih zaključaka sa predhodne sjednice:

Z1. Izrada Strategije ruralnog razvoja i izradu elaborata o pedološkom sastavu poljoprivrednog zemljišta na području općine - aktivnosti na izradi nove Strategije razvoja općine Bosanska Krupa će u saradnji sa UNDP započeti krajem 2019.godine u istom dokumentu će prema preporukama biti i dio koji se odnosi na razvoj poljoprivrede; što se tiče planiranja dijela sredstava iz Programa poticaja za poljoprivrednu proizvodnju u 2019. prema informacijama iz nadležne službe nije realno da će se moći planirati i sredstva za izradu elaborata o sastavu i kvalitetu poljoprivrednog zemljišta. Preporuka je da se uputi dopis ispred Privrednog savjeta nadležnoj službi da iznađe mogućnost finansiranja elaborata planiranjem sredstava u budžetu za 2020.godinu ili apliciranjem projekata i obezbjeđenjem sredstava iz dostupnih fondova..

Z2. Prisutni su informirani da se u međuvremenu nisu vodile nikakve aktivnosti na aktiviranju Udruženja privrednika.

Z3. Služba za upravljanje razvojem će uputiti dopis službi za stambeno-komunalne poslove vezano za izradu izmjene Odluke o administrativnim taksama.

Z4. Trenutno se priprema aplikacioni obrazac za javni poziv, poziv će biti objavljen u mjesecu augustu.

Zaključak: Zapisnik sa II sjednice Privrednog savjeta je usvojen.

Ad.2/

Ćamka Bešić, šef Službe za opću upravu i društvene djelatnosti je prezentirala važeću Odluku o taksama i administrativnim tarifama, jer je odluka usvojena prije imenovanja novog Privrednog savjeta. Prema preporukama BFC evaluatora, nadležna općinska služba je u obavezi da važeće odluke prezentira Privrednom savjetu. Nakon upoznavanja prisutnih sa tarifama općinskih administrativnih taksa Predsjedavajući je pozvao članove Savjeta da se uključe i komentarišu važeći dokument.

Za riječ se javio gospodin Samir Mesić i predložio nadležnim općinskim službama da u procesu prijedloga izrade odluke o taksama i naknadama obavezno daju detaljna obrazloženja o tome na koji način će se prikupljena sredstva trošiti. Također je iznio svoje lično iskustvo vezano za izmjenu i drugih odluka iz nadležnosti općine, konkretno Odluka o nazivima ulica o čemu privredni subjekti nisu bili obavješteni pa su morali platiti kaznu, jer nisu izmjenili podatke o sjedištu firmi. Ono što se pojavljuje kao problem u komunikaciji između privrednih subjekata i općine Bosanska Krupa je nedovoljna transparentnost u

postupcima izrade dokumenata. Predlaže da se napravi dokument koji će biti objavljen na stranici općine Bosanska Krupa u folderu Privreda kao i da se isti postavi u šalter stavi i bude dostupan korisnicima usluga na vidljivom mjestu. Predlaže da se u novoj Odluci obavezno stimuliše otvaranje novih djelatnosti kroz oslobađanje od taksa i naknada. Predsjedavajući je predložio da se organizira sastanak na kom će biti prisutni članovi Privrednog savjeta, predstavnici klubova vijećnika i nadležnih službi koje pripremaju odluke.

Zaključak: U procesu izmjene, dopune i izrade novih općinskih odluka koje se tiču poslovnog sektora organizirati sastanak predstavnika klubova vijećnika, nadležnih općinskih službi i članova Privrednog savjeta.

Ad.3 i 4/

Azra Veladžić je prezentirala Analizu procjene Privrednog sektora 2019.godine na osnovu koje je urađena i Analiza potreba privrede za radnom snagom. Općina Bosanska Krupa je u prvoj polovini 2019.godine provela anketu o procjeni privrednog sektora vezano za kratkoročne i dugoročne potrebe za radnom snagom i o poslovnom ambijentu u kojem obavljaju djelatnost. Upitnik je bio sastavljen od pitanja koja se odnose na poslovnu klimu u općini, tržište radne snage, poteškoće u poslovanju, saradnju sa srednjim školama i zadovoljstvo kvalitetom usluga lokalne uprave, javnih preduzeća i državnih institucija. Ukupno je anketirano 19 fizičkih i 31 pravno lice.

Nakon prezentacije je razvijena diskusija:

Gospodin Samir Mesić, osobe sa srednjom stručnom spremom su trenutno najpotrebnija radna snaga za vodeće privredne subjekte na općini. Činjenica je da se na evidenciji Biroa nalazi veliki broj osoba koje nisu osposobljene da se uključe kvalitetno na tržište rada. Potrebno je planirati sredstva za prekvalifikaciju i usklađivanje sa potrebama tržišta rada;

Gospodin Sead Mujagić, postojeći obrazovni sistem ne dozvoljava učenicima da više vremena provedu na praktičnoj nastavi. Potrebno je ponovno uputiti dopis Ministarstvu obrazovanja i tražiti informaciju da zašto vezano za dokumente koja su kroz projekt ILO dostavljena Ministarstvu kao Prijedlog za izmjenu pravilnika o načinu obavljanja praktične nastave.

Zaključak: Nastaviti aktivnosti vezano za usklađivanje potreba tržišta rada i obrazovnog sistema. Uputiti dopis Kantonalnom ministarstvu obrazovanja sa dokumentima (prezentirane analize i prijedlog pravilnika o načinu provođenja praktične nastave).

Ad.5/

Gospođa Azra Veladžić je prezentirala Javni poziv za podršku poduzetništva koji će biti objavljen u mjesecu augustu.

Zaključci:

Z1: Zapisnik sa II sjednice Privrednog savjeta je usvojen.

Z2: U procesu izmjene, dopune i izrade novih općinskih odluka koje se tiču poslovnog sektora organizirati sastanak predstavnika klubova vijećnika, nadležnih općinskih službi i članova privrednog savjeta

